

Pages vaudoises

Autor(en): **[s.n.]**

Objektyp: **Group**

Zeitschrift: **L'ami du patois : trimestriel romand**

Band (Jahr): **9 (1981)**

Heft 1

PDF erstellt am: **25.04.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages vaudoises

AMICALA DAI PATOISAN DE SAVEGNY-FORI

Noûtr'Amicâla l'a z'u sa tenâblya statutâira lo dessando 28 dâo mâi de fèvrâi 1981, à Savegny, yô lo presideint Alfred Noverraz l'a âovè la babelye, ein preseince d'onna quarantanna de meimbro; l'a de que Lozena budze, mâ lè patoisan budzant assebin et tot va bin po leu, que sant bin benéso de sè revèrè po lo premî yâdzo sti an. Mâ tot parâi, lâi a bin quauque meimbro que sè sant estiusâ, pè maladi, âo bin d'autro z'affèrè.

No z'ein z'u lo plyésî de reçaïdre, stâo derrâi tein, quatre novî meimbro dein l'Amicâla, que sant : Mme Lily Jordan, de Carrouge, Mme Yvonne Mégroz, de Lausanne, M. André Cordey, de Vullierens et M. Robert Mermoud, de Poliez-le-Grand : binvegnâita à cliâo z'amîè et ami dâo patoi dein l'Amicâla de Savegny-Fori et einveron.

A l'eimpartyâ statutâira lo mîmo comitâ l'a ètâ renommâ dinse :

Président	Alfred Noverraz, La Grangette — 1606 Forel. Tél. 97 95 54
Vice-président	Reymond Richard, En Châtelan — 1606 Forel. Tél. 97 13 90
Secrétaire	Frédéric Duboux, Coudraie 11 — 1008 Prilly. Tél. 37 77 00
Caissier	Jacques Delessert, rte de Forel — 1073 Savigny. Tél. 97 12 23
Adjointe	Alice Bovet, Le RoCHAT — 1099 Servion. Tél. 93 10 60

L'asseimbyâie l'a dècidâ de recoumîncî lè z'aleçon de vîlyo leingâdzo, po cliâo que volyant lè châidre, à Forî, à la Pinta dâo Cè d'Oo, lo demâ 7 d'avrî, à 14 hâorè.

Et pu sèdè-vo que lâi arâ sti an la Fîta remanda et valdôtâina dâi patoisan à Delémont, lè 22 et 23 dâo mâi d'oû 1981. Adan, ma fâi, l'è bin prâo lyein et cein vâo balyî à voûdre po allâ trovâ cliâo z'amî djurassien. L'a ètâ dècidâ d'ein redistiutâ à la tenâblya que sè tindrâ dein einveron doû mâi.

A l'eimpartyâ famelyîre, n'ein oyû'na brachâ de galèsè z'historiè et quauquîè tsanson, adî ein vîlyo dèvesâ; lo tein l'a passâ rîdo tant qu'âo petit-goutâ, et lo presideint l'a clioû la tenâblya aprî 'na derrâire tsanson. Ein peinsâie avoué lè meimbro malâdo, on lâo coo 'na meillâo santâ et bounè salutachon à cliâo que vant bin.

Se vo z'îte interessî de cein que sè pâsse tsî lè patoisan, vo pouâidè vo z'abounâ à la galésa reyûva que s'ein vin quatre yâdzo per an, que l'è :

"L'AMI DAO PATOI" tsî Jean BRODARD — 1634 LA ROCHE/FR.

Et pu, l'è pas tot, tsouyîdè-vo bin, mè moûso qu'âo mâi d'avrî, se tot va vin, lo "Dicchounéro dâo patoi vaudoî" vâo montrâ lo bet dâo nâ; adan, on vo farâ à savâi quand et yô on porrâ lo coumandâ.

Bondzo à tî et à binstoû.

F.D.

LE BOTYÉ A TOBI

Groupèmin di patêjan fribordzê dè Vevè è alintoua



No vudran vo rachurâ in vo dejin ke nouthra chochyètâ lè pyêna dè ya kemin lè j'adzè lè pyantè è lè hyà ou furi. Ouna châva di pye chan-nè chirkulè dè totè dzounè fouârthè du lè rachemè lè pye prèvondè in montin din la fonda tantyà ou bè di pye pititè brantsètè. E nouthr'n'âbro lè jou pyantâ din 'na têtâ provinda. No no chin betâ ou travô in 1962. No j'iran thin a dèvejâ din nouthron bi patê in chuchotin l'apèrô le demindze du la mècha.

A la premire athinbyâye no j'iran 18. No chin, ora, mé dè 70 a no rèvère ti lè mè avoui on pyéji ke cherê pê chejin dè voli katchi. Vu pâ dre, pêr'inke ke no chin'na chèptantan-na a totè lè j'athinbyâyè, ô lâ na ! Ma hou ke chon prèjin chè fan on malin pyéji a lou j'intrètigni din chi lingâdzo chavouryâ è pyin dè j'èmâdzè, ha linvoua ache krouchtiyâja tyè pyêna dè promèchè. Che no brâthin pâ l'ouâ ni bin l'êrdzin din nouthron groupèmin no j'an ouna fortèna in la pêrchena dè nouthron prèjidan M. Médé Hlyemin. L'a din chè fatè on mache dè kalitâ : na man dè fê din on gan dè vèlu, de l'èchyin è on èchpri d'intrèdzin ke fouârthè l'admirachyon. E hyinthâ pêr dèchu le martchi, on omo dè rèthèta. No j'an bayi a nouthron groupèmin le non dè "Botyé a Tobî" in chovigni dè Tobî di j'èlyudzo. No j'an ti lè mè oun'athinbyâyè avoui lethon dè patê : on kèchtyenéro a tranchlatâ dou franché in patê è dou patê in franché pè on chapitre avoui ècgplikachyon chu lè mo rètsèrtchi k'on a oubyâ ou bin k'on a djêmé jou oyu. In dèpye dè to chin no fîthin lè Rê, no fan ouna marinda ou mi dè mâ, ouna chalyète in julyè è di match i kârtè. Dè tyè no pachâ agrèâbyamin le tin.

Le Chekrètéro :

R. Sudan

Amicale "Le Botyé a Tobî" de Vevey et environs

Président d'honneur :	M. Jules Currat, ch. du Boisy 33 — 1004 Lausanne
Président	M. Amédée Clément, Le Grillon — 1801 Le Mont Pèlerin
Vice-président et	
membre fondateur	M. Robert Millasson, rue des Moulins 60 — 1800 Vevey
Secrétaire et	
membre fondateur	M. Raymond Sudan, pl. du Carré 199 — 1635 La Tour de Trême
Caissier	M. Henri Thorin, Villa Mucèno, Bochet 2 — 1802 Corseaux
Membres adjoints	M. J.-Marie Genoud, Montimbert — 1618 Châtel-St-Denis M. André Villard, Pl. du Carré 199 — 1635 La Tour-de-Trême
Secrétaire aux convocations	Mme Louise Geinoz, r. du Simplon 35 — 1800 Vevey